

ADMINISTRATIVE HEAD OFFICE

25 Ikajuktauvik Road, PO Box 70

Nain, NL, Canada AOP 1L0

Tel: 709.922.2942

Fax: 709.922.2931

nain_reception@nunatsiavut.com

UKAUTITSIUTIK

Oktobera 27, 2016

Siammatitausagaigialik

Malijuk uKautisiutik sakKititaujuk ullumi AngajukKâmut Johannes Lampe:

Paitsijugut inositsiaginnimik, piusituKatinik amma inosigijatinik

AngajukKâgunlunga Nunatsiavummi nakummegumavunga ilonainik Ilaliugutilinik Labrador Inuit Nunamik Satusatausimajumik Angiutinimmik, nunamik paitsijet amma ikajutet angijumagimmik pisimammata akigatunitinut paitsiluta inositsiaginimmut amma piujuninginut inoKatitinut, ammalu piusituKatinut amma inosigijatinut.

Ammalu nakummelugu Innu Nation Grand Chief Anastasia Qupee amma NunatuKavut AngajukKânga Todd Russell sivukkatatsialaummanik sakKijâtitsilutik amma nikuvungaKataulaummanik saniani Nunatsiavut kavamanganut ikajullutik *Make Muskrat Right*.

Tâkkua killigiujijangit Premier Dwight Ball amma tâkkua NunaKakKsimajuit sivullitet sakKilautsimangituit suliatsumut taimâk angitigijumut, amma uvagut Kanutosiavugut sulititaulâningit.

Pitjutigillugu pigianinganik ulittisinimmut, tânna Premier sakKititsilaukKuk uvattinut Katsinikkiak sanajaugutinnik Kaujisautinnik Kaujimatitsijunnik immait puttuninginnik puttusigiaKalâmangata tapvani ukkiumi paitsigiaKalluni sanajausimajop suliatsumut. Uvagut Kenusimavugut ulittitauniagani pijauulluni Kaujisiutet kamagjausimakKâtinagit ilingangitumut kamasimalippata tânna sulujuk. Uvagut pitâsimalikKugut suliaKatinik sikkuligijimmik Kaujimatsiatumik kamaKulugu Kaujisautinnik. Tânna kamagijaujuk sulippat tukkinganik amma pijaugiaKappat pigiasigiamut sivullipâmik ulittisinimmik tapvani ukiumi, uvagut angigajatugut pititautillugu imak putusigiatitautillugu mikkinippâmut puttuniganut. Taimangat uKautjausimavugut pitâlâtuk sepanik meters-sinik, pitâlittilugu puttuninganik mânaujuk 18 meters-simit 25-imut.

Kaujimajattinik pijunit ilisimajuit Kaujisattauningit angitigijumik tâkunani sepani meters-sinik ulittitausimaligeKuk, ilangani angitigijumik 50 per cent-titut, amma sakkitauninga methylmercury-nigâtak tamâni mikkijojsak. Kaujimagivugut, ammagiallak tungavilinni ilisimajunut Kaujimajaujunut, ilangit inet mânaujuk ulingajut immamut (immatsukait, otutigillugu) pijataugaluappata pivallititsigalâtuinaluni ubvalu

suvalititsigani angininganik methylmercury-nigâtamik iluanaunainga avatimmut. Ammalugiallak, ilijausimajuit Kaujimajaujut takutitsivut methylmercury-nigâtak sakKininga anginipauKatavuk onalimmat takkiginni.

Pigasualuni mikkinitautigasuumut sukkuinik methylmercury-nigâtak pititsitillugu sivulliagut ulittisinnimik, tâna kavamanga Newfoundland amma Labrador katsungaivuk uKautjigiamik Nalcor utitisillutik immat puttuningit iniginnut, nâpatta ukkiup takkingit, nunamiutait, napâttuit, uppigait amma nunajait, pejaugunalâmmata tasialutsami – ammagiallak, uKautjigiataunimmut ilisimajuit ilisimallagituit. Kaujimausitigut, tâna pijaulautsimangituk nanilonet iluani Canada-mi, imaKa silatsualimâmi.

PitaKalaugivuk angiutinimmik sakKititsigiamut Immigolingajunik Ilisimallagitunik Ukautjigijainik katimajinnik, pitalimmik kiggatutitik Nunatsiavut kavamanganit, Innu Nation, NunatuKavut Nunalet katimajingit, amma federal, pravinsiup amma nunalet kavamangit. Tâna katimajik aitutausimaniakKuk Kinijagiamut immigulingajunik, Kaujimajaujunik atullutik Kaujimatitsiniattillugu assinginik kajusitautitaujunik pijutigillugu suliatsak, ammagiallak KimmikKulutik amma kajusikKulutik pivitsaugajutunik mikkillititsilutik inuit inositsiaginningit issumagijaujut ilingajunik methylmercury-mut ilonâgut tasiliutaugasuajop amma iluani Lake Melville avatingani. Mikillititsinik atugattsait sakKilâkKut atulluni piunippânik Kaujimajaujunik ilijauKatautillugit NunaKakKâsimajuit Kaujimajanginnik, ilauttilugit napâttunik nakagainik, nunajannik amma nunaup Kanganetunik (pijaukKujaujunut ilisimajunut).

Tâkkua Nunatsiavut kavamanga katimatitsilâkKut wochemi Kaijumi Happy Valley - Goose Bay, Mud Lake, North West River amma Rigolet Kaujitisigiatulutik, iluingaluatumik, sunat uKâlautaulaumangâta amma angiutaujut katimanitini, amma pivitsaKatisillutik inunnik apitsugiamut.

Tâna takkijolaukKuk amma pinniagutaummitluni otugannik, amma ilitatsimijugut sulli unutulutik suliatsaKavuk pijaugialinnik. Taimaigaluatillugu, uvagut ippigivut katsungaitausimajut kavamangata Newfoundland amma Labrador pivitsaKatisilâkKuk pitâlluta tugautitinut paisigiamut inositinik, piusituKattinik amma inosigijattinik. Tâna sunaummangat tugautik tukigilautanga, amma taikkua ilauKataulautut sâlaKanimut uvagut sakKitijavut ilitagijaujutsauvut katsungainimminut, pitsatunimminut, Kinuitsânimmut amma pitsatunimmut.

Kaujisapvisak:

Bert Pomeroy
Aulatsiji Kaujimatitsinimmut
(709) 896-8582